

Akutagava Ryunoske
(Ahmad A'zam tarjimasi)

CHAKALAKDA

Novella

Mahkama torasi tergovida otinchining aytganlari

Xuddi shunday. Murdani men topdim. Bugun ertalab ham, hamishagidek otin chopish uchun toqqa, uzoqroqqa chiqqan edim. Olik shu toğ tagidagi chakalakda yotgan ekan. Aniq qaerda? Yamasinga otadigan qatnov yoʻlidan taxminan tort-besh tyo* ichkarida bambuk bilan yangi kriptomeriy aralash oʻsgan ovloq bir joy.

Murdaning egnida poytaxtdagilar kiyadigan och-havorang suykan*, boshida nimdoshgina abosi* qalpoq bor edi. U chalqancha yotgan ekan. Keyin, mana, gavdasida bitta shu jarohat korindi, lekin qoq koʻkragida, atrofidagi quruq bambuk xazonlari misoli aniq shingarfiga boyalgandek. Yoʻq, qon boshqa ketmayotgan edi. Jarohati, korinishidan, qotgan shekilli. Ha, yana bitta narsa, jarohatda qon soʻrib toʻygan sona ham qonib turgan edi, oyoq tovushimdan uchib ham ketmadi.

Qilichmi yo shunga oʻxshagan biron narsa koʻrinmadimi? Yoʻq, hech narsa koʻrinmadi. Faqat yonida murda yotgan kriptomeriy tagida arqon ham tushib qolgan ekan. Ha yana... ha, ha, arqondan boshqa yana u yerda taroq bor edi. Yoʻq, boʻldi, murda yonida bori – shu ikkita narsa edi. Nima, ot yoʻqmidi? E, u yoqqa hech bir ot oʻta olmaydi. Ot yoʻli nariroqda, chakalakdan keyin.

Mahkama torasi tergovida yurtgashta rohibning aytganlari

Marhum bilan men kecha koʻrishgan edim. Kecha... tush paytlari chamasi. Sekiyamadan Yamasinga boradigan yoʻlda. U otga mingan xotin bilan Sekiyamaga qarab ketayotgan edi. Xotin gardishi keng, hijobli shlyapa kiygan edi, shuning uchun yuzini korganim yoʻq. Xagi naqshi nigorli ipak koʻylagi koʻrindi, xolos. Oti jiyronga moyil, yoli qirqilgan. Boyimi? Odatdagidan chamasi tort tyo¹ balandroq. Rohibman-ku men, bunaqa narsalarni uncha farqlamayman. Erkakning... ha, belida qilichi bor edi, elkasiga kamon oʻqli sadoq osilgan. Hozir ham esimda: loklangan qora koʻn sadoq, yigirmatacha oʻqning uchi ham chiqib turgan edi.

^{1 1} Sun – 3,3 sm. (otning odatdagi balandligi 4-5 s ku hisoblangan. Syaku – 33 sm.*Suykan – kimono turi, *abosi – baland yumshoq shapka: badavlat odamlar kiyadi..*Të – 109 metr

Uning shunday qismatga uchrashi tushimga ham kirgani yoʻq. Rostdan ham, inson umri lahzalik gap, shudring nimayu chaqmoq nima! Oh, bunga soʻz bormi, juda qaygʻuli.

Mahkama torasi tergovida posbonning aytganlari

Shu, men tutgan odammi? Bu – nom koʻtargan yoʻltosar Tadzyomaru. Ushlagan vaqtimda u Avadagutidagi tosh koʻprik ustida otdan yiqilib, inqillab yotgan edi. qachon? Oʻtgan kecha, birinchi tunqotar mahalida. Oldingi gal, ushlashimga sal qolganda, uning ustida xuddi shu suykan, kamarida qilichi taqilgan edi. Bu gal, mana, koryapsizki, kamon bilan kamon oʻqlari ham bor. E shunaqami? Oʻlgan odamning narsalarining oʻzimi? Xop, unda qotillik, shubha yoʻq, Tadzyomaruning ishi. Charm tortilgan kamon, loklangan qora sadoq, lochin patli on yettita kamon oʻqi, shularning hammasi, demak, oʻldirilgan odamniki boʻlgan. Ha, ot, oʻzingiz aytgandek, jiyron, yoli qirqilgan edi. Taqdir-da, qarang-a, shu ot tashlabdi-da. Koʻprikdan sal narida oʻtlab yurgan edi, uzun jilovini sudrab.

Bu Tadzyomaruning oʻzi poytaxtda izgʻib yuradigan boshqa qaroqchilarga oʻxshamaydi, ayollarga juda oʻch. Esingizdami, bultur Bindzuruga atalgan Akitoribe ehromi orqasidagi toʻgʻda bir ayolni. .meningcha, ziyoratchilardan boʻlsa kerak, qizchasi bilan oʻldirishgan edi? Ana shunda ham Tadzyomaruning qoʻli bor deb aytadilar. Ana, jiyron ot mingan juvon, agar Tadzyomaru erkakni oʻldirgan boʻlsa, u qayoqda qoldi, unga nima boʻldi? Noma'lum. Kechirasiz, aralashyapman, lekin buni bir surishtirib korish kerak.

Mahkama torasi tergovida kampirning aytganlari

Ha, mening qizim turmushga chiqqan odamning murdasi. Faqat u poytaxtdan emas. Vakafadagi Kokufudan, samuray. Oti Kanadzava Takexiro, yigirma olti yoshda. Yoʻq, unga biron-bir odamning qasd qilishi mumkin emas – juda yumshoq fe'lli edi.

Mening qizimmi? Uning oti Masago, on toʻqqiz yoshda. Uning fe'li botir, erkaklardan qolishmaydi. Takexirogacha hech qachon bironta ham xushtori boʻlmagan. U bugʻdoyrang, chap koʻzining burchagida xoli bor, yuzi kichkina, chozinchoq.

Kecha Takexiro qizim bilan Vakasaga ketgan edi. Qaysi gunohi uchun bu musibat boshiga tushib turibdi? Nima boʻldi qizimga? Kuyovimning qismatiga-ku, koʻndim, na iloj, yoʻq, lekin qizimning kuyugiga chiday olmayapman. Men bir kampir odam, barcha avliyolar haqqi, yolvoraman, hamma ormonu dalalardan izlang, faqat qizimni toping! qanaqa vahshiy ekan bu yoʻltosar, oti inima edi, Tadzyomarumi? Faqat kuyovimni emas, qizimni ham... (boshqa gapirishga holi kelmay, yigʻlab yuboradi.)

Tadzyomaruning iqrori

Bu odamni men öldirdim. Lekin juvonni men öldirganim yoʻq. qayoqqa ketdi? Buni men ham bilayman. Toʻxtang! Meni qancha qiynamang, bari bir, bilmagan narsamni bilaman, deb ayta olmayman-ku. Bundan tashqari, endi shunday boʻlib qoldimi, qorqib otiramanmi, hammasini ochiq aytaman.

Bu erkak bilan juvonni tushdan sal otib koʻrdim. Juvonning ipak yopinchiğini shamol bir koʻtardi, shu payti yalt etib yuzi ochildi. Bir lahzaga – lip etdiyu yana bekildi – balki shuning uchundir, yuzi menga malak siymosidek koʻrindi. Shu zahoti erkagini öldirib boʻlsa ham juvonga erishaman deb qasd qildim.

Sizga bu vahshiylik boʻlib tuyulyapti, a? Arzimagan narsa, erkakni öldirish ham ish boʻptimi? Ayolga erishaman deganda erkakni doim öldiradilar. Faqat men belimdagi qilichim bilan öldiraman, siz esa qilich ishlatmaysiz, hokimiyat, pul, baʼzan esa shirin gaplar bilan öldirasiz. Toʻgʻri, bunda qon toʻkilmaydi, erkak bus-butun turadi – lekin bari bir öldirgan boʻlasiz. Bunday oylasa, qaysimizning gunohimiz oʻgʻirroq - siznikimi, menikimi, - kim biladi? (*Zaharxanda iljayish.*)

Bu, erkakni öldirmay ham ayolga erishish iloji boʻlsa, konglim joyiga tushmaydi. degani emas. Bu gal esa ayolga erkakni öldirmay ham shunday erishmoqchi boʻldim. Faqat qatnov yoʻlda bunaqa ishni qilish mushkul. Shuning uchun ikkovini ham chakalak ichkarisiga qanday kirgizishni oyladim.

Bu qiyin boʻlmadi. Ularga yoʻlovchiman, deb qoʻshilib oldim-da, toʻgʻridagi toʻgʻda bir qoʻrgon bor, bugun osha erni kavlagan edim, koʻp qilich bilan oyna² chiqdi, begona koʻzdan pana qilib, toʻgʻ tagidagi chakalakra koʻmib qoʻydim, endi xaridor chiqsa, soʻragan narsasini arzonarovga sotaman, deb gapni toʻqidim. Erkak sekin-asta gapimga laqqa tushaverdi. Mana, nima deb oylaysiz? Dahshatli narsa-da ochkoʻzlik! Yarim soat ham oʻtmadi, ular otining boshini toqqa burib, soʻqmoq yoʻldan menga ergashdilar.

Chakalakra yetib borganimizdan keyin narsalarning chakalak ichiga koʻmilganini aytib, kirib koʻrishlarini taklif qildim. Koʻzi ochlik erkakning ich-etini kemirayotgan edi, albatta u yoʻq demadi. Lekin juvon otdan tushmay, shu yerda kutaman, deb turib oldi. Uning aqli joyida ekan, chunki chakalakning juda qalinligini koʻrib turardi. Hammasi xamirdan qil suʻgʻrandek boʻldi, juvonning oʻzini qoldirib, erkakni chakalakra ergashtirib kirdim.

Chekkada faqat bambuk oʻsgan edi. Lekin chamasi bir tyo yurganimizdan keyin kriptomeriya uchray boshladi. Oylagan ishimni qilish uchun bundan qulay joy yoʻq edi. Shox-shabbani yirib yoʻl ochib borib, xazinani kriptomeriya tagiga koʻnganimni rostga oʻxshatib gapirdim. Erkak meni eshitgani sayin osha yoʻqqa, kriptomeriyaning nozik novdalari koʻrinayotgan joyga oshiqar edi. Bambuk kamaya borib, atrofni kriptomeriya tutgan joyda erkakka tashlandim-da, uni yerga bosdim. Uni daraxtga boʻgʻlash birpaslik ish boʻldi. Arqon hamishagidek belimda edi, chunki chetanlardan oshib oʻtishda doim

² Qadimda oyna metal, odatda bronzadan yasalgan.

menga asqotadi. Turgan gap, baqirmasin deb bambukning tokilgan barglarini o'ziga tiqin qildim, u bilan qiladigan boshqa ish ham qolmadi.

Erkakni hal qilib, juvonning oldiga qaytib keldim, unga yoldoshining birdan mazasi qochib qolgani, o'zi borib kormasa bolmasligini aytdim. Bu ish ham oylaganimdek chiqqanini gapirib otirish shart emas. U gardishi keng shlyapasini boshidan oldida, qolimni qoyib yubormay, chakalak ichiga yurdi. Lekin eri daraxtga bog'langan joyga kelishimiz bilan, uni kordiyu qolini qoyniga tiqib, shartta xanjar chiqardi. Hech qachon bunaqa chars, botir xotinni kormaganman. Hazir bo'lib turmaganimda qornimdan ti'g yeyishim hech gap emas edi. Bunga-ku chap berdim. Lekin u ayamay to'g'ri kelgan joyimni chavaqlayverdi. Ha endi, men ham bekorga Tadzyomaru emasman, axiyri qilich ishlatmay, qolidagi xanjarini urib tushirdim. Qurolsiz qolgandan keyin har qancha qorqmas bolmasin, juvonning qolidan nima ham kelardi. Ha, mana. nihoyat, oylaganimdek, erkakning umriga zomin bolmay, ayoliga erishdim.

Ha. erkakni tirik qoldirib. O'zi uni keyin ham oldirish niyatim yo'q edi. Lekin oxirida, kozyoshiga cho'mib yotgan juvonn shunday tashlab. chakalakka biqinib ketmoqchi edim, u birdan esini yo'qotgandek engimga tarmashdi-da, hirqirab: «Yo siz olasiz, yo erim... Ikkovingizdan bittangiz o'lishingiz darkor... Ikkita erkakning ko'z oldida benomuslik o'limdan battar. Bittangiz o'lishingiz shart. Kim tirik qolsa, shuni er qilaman», deb chinqiraverdi. Shunda erkakni oldirsammikan deb qoldim. (*Ma'yus iztirob.*)

Endi sizlarga bu gaplarni aytib berganimdan keyin meni juda bag'ritosh deb oylasangiz kerak. Sizga qolsa, shunday, negaki, bu juvonning yuzini kormagansiz. Negaki, uning yonib turgan ko'zlarini kormagansiz. Shu qarashiga ko'zim tushganida, mayli, turgan joyimda yashin urib olsam olaman, lekin uni xotinlikka olaman deb konglimga tugdim. Kallamda uni xotin qilishdan boshqa hech narsa yo'q edi. Yo'q. bu siz oylagandek yovvoyi mayl emas. Agar xayolim faqat shahvatda bolgan-da, ayolni bir tepib, tashlab ketgan bolari edim. Unda qilichimni ham erkakning qoniga bul'gab otirmasdim. Lekin osha fursatda, chakalakning g'ira-shirasida juvonning yuziga qaragan paytimda, erini oldirmay bu yerdan ketmayman, deb ont ichdim.

Lekin, uni oldirsam ham, nomardlarcha oldirgim kelmadi. Uni arqondan boshatdim, qilichda solishamiz, dedim. Daraxt tagidan topilgan arqon - oshanda men tashlagan arqon. Erkak osha zahoti betini tirishtirib, qoliga og'ir qilichni oldi-da, bir so'z ham gapirmay, g'azab bilan menga tashlandi. Bu olishuv qanday tugaganini aytib otirish shart emas. qilichim yigirma uchinchi sermashda uning ko'kragiga sanchildi. Yigirma uchinchi sermashda, - iltimos, shuni unutmang! Haligacha aqlim bovar qilmaydi – bu dunyoda faqat bitta shu odam men bilan yigirma marta qilich urishtirtirdi. (*Shodon tabassum.*)

U yiqilishi bilan, qolimda qonga belangan qilich, juvonga ogirildim. Lekin, tasavvur qilasizmi, – hech qaerda yo'q edi u. Daraxtlarni oralab izladim. Lekin tokilgan bambuk yaproqlarida hech qanaqa iz-piz yo'q. Tevarakka quloq tutaman, erkakning bog'zidagi ramaqijon xirillashidan boshqa tovush kelmaydi.

Balki biz olishayotganda juvon yordamga chaqirish uchun chakalakdan chiqqandir? Shu gumon kallamga kelishi bilan, gap o'zimning hayotimga taqalganini angladim. Olgan odamning qilichi, kamonu o'qlarini olib, darrov avvalgi soqmoqqa chiqib oldim. U yerda ayolning oti tinchgina o'tlab yurgan ekan. Keyin nima bo'lganini aytib berish behuda gap sotish bo'ladi deb o'ylayman. Faqat bitta narsa – poytaxtga kirish oldida menda osha qilich yo'q edi. Mana, bor iqrorim shu. Meni eng shafqatsiz jazoga torting – axir, bir kuni kelib boshim xodaning uchiga sanchilib turishini bilaman-ku.

Kiyomidzu ehromidagi izhori dilda juvonning aytganlari

Kok kiygan erkak menga erishgandan keyin bo'g'loqli erimga o'girilib qaradi-da, masxara qilib xa-xoladi. Erimga qanchalar o'g'ir bo'lgan bo'lsa! Lekin u qancha to'lganmasin, bo'g'langan arqon tanasini shuncha battar qiyar edi. Men beixtiyor butun vujudim bilan unga talpindim, - yo'q. faqat talpindim, xolos. Lekin bu erkak meni bir tepib yerga agnatdi. Ana shu lahzada yuz berdi bu. Shu lahzada men erimning ko'zida ta'rifga sig'mas bir o't kordim. Ta'rifga sig'mas... hatto hozir uning ko'zlarini eslasam, titro'g'imni bosolmay qolaman. Bir o'g'iz ham gapirishga cho'gi kelmasa-da, erim shu lahzada butun yuragini bir nigohda to'kib berdi. Lekin uning ko'zlarida g'azab yo' mashaqqat azobi emas, - menga bo'lgan sovuq nafrati yonar edi, mana, qarashi nimani bildirardi! Anovi erkakning tepkisidan emas, shu qarashdagi dahshatdan o'zimni yo'qotib, qichqirib yubordim-da, hushimdan ketdim.

O'zimga kelganimda kok kiyimli erkakning qorasi o'chgan edi. Faqat erim kriptomeriya tanasiga bo'g'lo'g'ligicha turar edi. To'kilgan bambuk yaproqlari ustidan bazor turib, erimning yuziga termildim. Lekin uning qarashida tariqcha o'zgarish sezilmadi. Ko'zlarida boyagi-boyagidek sovuq nafrat va botiniy jirkanish bor edi. O'shanda ne ahvolda ekanimni qanday aytishni bilmayman - ham nomus, ham alam, ham g'azab... Gandiraklab, qaddimni zor'ga ushlab, erimga yondashib bordim.

«Quloq soling! Endi bunday bo'lgandan keyin siz bilan umr qilolmayman. Men olimni tanladim. Lekin... lekin siz ham yashamaysiz. Siz nomussizligimni kordingiz. Shundan keyin sizni qanday tirik yurgani qo'yaman.»

Ming azob bilan unga shu gaplarni aytdim. Erimning sini o'zgarmadi, menga boyagidek jirkanib qarab turaverdi. Yuragim kokragimni yorib chiqib ketguday hayajonimni zor'ga bosib, uning qilichini axtara boshladim. Lekin, hammasini qaroqchi o'g'irlab ketgan shekilli, chakalakda faqat qilich emas, kamon ham, uning o'qlari ham yo'q edi. Oyo'g'im ostida, baxtinga, faqat xanjar yotgan ekan. Xanjarni erimga o'qtalib: «Endi sizning joningizni olaman. Va hoziroq o'zim ham orqangizdan ergashaman», dedim.

Erim bu gaplarni eshitgandan keyin zor bilan lablarini qimirlatdi. Albatta, ovozi eshitilmadi, chunki o'g'ziga bambuk yaproqlari tiqilgan edi. Lekin lablariga qarab turib, nima deganini darrov angladim. Erim osha jirkanishi bilan bitta «O'ldir». sozni aytdi: Hushimni yo'qotayozgan bir holatda xanjarni och-havorang ko'ylagi ustidan kokragiga

chuqur sanchdim. Keyin yana hushimdan ketdim shekilli. Özimga kelgandan keyin atrofga alanglasam, erim osha boğlangan koyi turibdi, endi nafasi tingan. Erimning oppoq yuziga kriptomeriyaning bambuk shoxlari bilan aymashgan qalin novdalari orasidan botayotgan quyoshning tutam nuri tushdi. Ökrab yiğlashimni bosib murdaga chirmalgan arqonni echdim. Keyin... keyin menga nima bo'ldi? Buni aytishga holi-jonim yoq. Nima qilmayin, özimni o'ldirishga kuch topa olmadim. Boğzimga xanjar qadadim, toğ bağridagi kolga özimni cho'ktirmoqchi bo'ldim, juda urindim, - lekin mana, olmadim, tirik qoldim, bu bilan faxr ham qilolmayman. (*Ma'yus tabassum.*) Balki mehribon va ğamxor ma'buda Kannon mendek arzimas bir jonzotdan yuz oğirgandir. Nima -qilay, oz erini o'ldirgan, nomusiga qaroqchi tekkan men nima qilay? Nima men... men... (*birdan o'krab yiğlash.*)

Karomatchi tili bilan marhum ruhining aytganlari

Xotinim bilan bo'lgandan keyin yoltosar u bilan yonma-yon yerga otirib oldi-da, uni yupata boshladi. Oğzim, turgan gap, tiqinlangan. Özim daraxtga chandib tashlanganman. Lekin tinmay unga ko'zim bilan ishora qilaman: «Ishonma bunga! Hamma gapi yolğon», - mana, nima deb uqtirmoqchi bo'ldim. Lekin xotinim tokilgan bargu xazonlar ustida ğamga botib otirganicha, tizzasidan ko'zini uzmadim. Rostdan ham, u yoltosarning gapini jon quloği bilan tinglayotganga oxshardi. Men rashkdan buralib-tolğanardim. Yoltosar ustalik bilan gapni maqsadiga burardi. Bir nomusidan ayrilgandan keyin eri bilan yashab ketishi dushvor. Eri bilan bu ahvolda qolganidan kora, yoltosar bilan ketgani yaxshi emasmi? Yoltosar yuragidan urgani uchun shu badkirdor ishlarni qildi-ku... – mana shunaqa yuzsiz gaplarni gapirdi u.

Xotinim yoltosarni gapini eshitib, boshini ma'yus kotardi. Hech qachon u ko'zimga buncha chiroyli bolib korinmagan. Lekin mening chiroyli xotinim boğliq paytimda yonimda turib yoltosarga nima deb javob berdi deng? Hozir yoqlikda sargardonman, lekin osha javobni eslasam, alam-achchiqda ortab ketaman. «Xop, meni xohlagan tomoningizga boshlang», - mana, xotinim nima dedi. (*Uzoq sukut.*)

Lekin uning aybi faqat shu emas. Bitta shuning ozi uchun zulumotda buncha azob bilan tentiramasdim. Nima bo'ldi deng: xotinim xuddi tush korayotgandek, yoltosarga ergashib, uning qolidan ushlab oldi, chakalakdan chiqaman deganda birdan rangi bozdek oqarib, qolini daraxtga boğlangan menga nuqib, «O'ldiring buni! U tirik qolsa, men sizniki bololmayman!», deb telbalanib bir necha marta xuddi esini yoqotgandek chinqirdi. «O'ldiring buni!» - endi bu sozlar tofon bolib meni zulumotning eng chuqur qa'riga uchirib ketadi. Inson quloğiga biron-bir marta shunaqa iflos gaplar yetib kelganmikan? Biron-bir marta... (*Birdan portlagan achchiq xaxolash.*) Bu gaplarni eshitgan yoltosar ham bozarib ketdi. «O'ldiring uni!» - deb xotinim uning yengiga tarmashib oldi. Yoltosar unga ko'zini uzmay tikilib, ha ham, yoq ham demadi, keyin birdan uni bir tepib xazon ustiga yiqitdi. (*Yana achchiq xaxolashning portlashi.*) Qollarini ko'kragiga chalishtirimb, menga oğirildi. «A bu xotinni nima qiish kerak, a? O'ldiraymi yo rahm qilaymi? Javobiga

boshingizni qimirlating. Oldiraymi?» Bitta shu gapi uchun ham uni kechirishga tayyor edim. (*Yana uzoq sukut.*)

Men taraddudda qolgan paytim xotinim bir chinqirdi-da, chakalakning ichiga otildi. Yoltosar shu zahoti orqasidan tashlandi, lekin hatto yengidan ham ushlashga ulgurmadi, shekilli. Men xuddi bosinqirayotgandek korib turardim.

Xotinim qochib ketgandan keyin, yoltosar mening qilichim, kamon va oqlarimni oldi-da, men boqlangan arqonning bir joyini kesib qoydi. Uning chakalak ichiga kirib ketayotganda: «Endi ozimni oylashim kerak», deb guldiragani esimda.

U ketgandan keyin hamma yoq jimjit bolib qoldi. Yoq, hamma yoq emas, quloqlimga yonimda xuddi kimdir yiqalayotgandek bir tovush eshitildi. Ozimni arqondan boshatib, diqqat bilan quloq tutdim. Nima ekan deng? Bilsam, izillab ozim yiqalayotgan ekanman.

Azoblangan tanamni nihoyat daraxtdan uzdim. Oldimda xotinim tushirib qoldirgan xanjar yiltirab yotar edi. Uni qolimga olib, bir siltov bilan kokragimga sanchdim. Tomoqlimga qandaydir qonli bir tuyur kelib tiqilgandek boladi, lekin bunda hech qanday azob sezmadim. Kokragim sovugandan keyin atrof battar jimjit bolib qoldi. Oh, bu qanaqa jimjitlik edi! Toql baqlridagi bu chakalakda bitta qush ham chirq etgani yoq. Faqat botayotgan shafaq quyoshi kriptomeriyalar tanasida tovlanar edi. Shafaq quyoshi... lekin mana, uning nurlari ham sekin ochdi. Endi daraxtlar ham, bambuk ham korinmay qoldi. Meni, yerda uzala yotgan meni sim-siyoh qorongulik chulqlab oldi.

Ha, mana shunda kimdir birov menga sekin yaqinlashdi. Kim ekan deb unga qaramoqlchi bolDIM. Shunda osha kimdir... shu kimdir korinmas qoli bilan kokragimdagi xanjarni sekin suqlurib oldi. Shu zahoti oqlzim sharqirab chiqqan qonimga toldi. Shundan keyin yoqlikning zulmatiga mangu chokib ketdim.

1922 y.

A.A'zam tarjimasi
Акутагава. «Новеллы».
Изд.-во худ. литературы.
Москва – 1959